



DEPUTACIÓN PROVINCIAL  
A CORUÑA

SERVIZO DE PATRIMONIO E CONTRATACIÓN

Número 99/2019

**Convenio de cooperación entre a Excm. Deputación Provincial da Coruña e o Consorcio Universitario do Centro Asociado á UNED da Coruña polo que se instrumenta unha subvención nominativa para o cofinanciamento da *Programación cultural e divulgación do coñecemento científico do ano 2018*.**

Na Coruña, a 12 de decembro de 2019.

### REÚNENSE

Don Valentín González Formoso, Presidente da Deputación Provincial da Coruña.

Don Germán Carro Fernández, en representación do Consorcio Universitario do Centro Asociado á UNED da Coruña.

Actuando os intervinentes, na representación indicada e recoñecéndose mutuamente capacidade para a sinatura do presente documento.

### MANIFESTAN

**Primeiro.-** Que o Centro Asociado á UNED da Coruña foi creado, de acordo co disposto no Decreto 2310/1972, do 18 de agosto, mediante convenio asinado o 11 de febreiro de 1983, entre a UNED e a Consellería de Educación da Xunta de Galicia, así como os membros do Padroado naquel momento: Deputación Provincial da Coruña, Concello da Coruña, Concello de Culleredo, Concello de Betanzos e Banco de Bilbao.

Posteriormente, á vista do crecemento do Centro Asociado da Coruña, o 22 de outubro de 1996, foi asinado un novo convenio entre a UNED e os membros do Padroado: Deputación Provincial da Coruña, Concello da Coruña e Concello de Ferrol.

**Segundo.-** Que as disposicións recollidas na Lei 27/2013, de Racionalización e Sostibilidade da Administración Local, na Lei 15/2014, de Racionalización do Sector Público e na Lei 40/2015, de Réxime Xurídico do Sector Público, incidiron moi significativamente na Lei 7/1985, Reguladora das Bases de Réxime Local e no R.Decreto 1317/1995, sobre réxime de convenios da UNED cos Centros Asociados, no senso de facer inexcusable a necesidade da constitución dun consorcio como figura xurídica que dera soporte legal ao Centro Asociado á UNED da Coruña.

**Terceiro.-** Que a Deputación da Coruña, como membro do Padroado do Centro UNED da Coruña desde a súa constitución, vén colaborando no seu sostemento mediante a inclusión nos Orzamentos anuais dunha consignación para financiar a súa actividade.

**Cuarto.-** Que no EMC 6/2018, aprobado pola Corporación na sesión plenaria do 28 de setembro de 2018, foi incluído crédito por importe de 200.000 € que ten como beneficiario ao *Consorcio Universitario do Centro Asociado á UNED da Coruña* e como obxecto: *Programación cultural e de divulgación do coñecemento científico do ano 2018*.

O Consorcio Universitario do Centro Asociado á UNED da Coruña consignou no seu Orzamento de Ingresos, no capítulo 462 "Outras transferencias", a aportación da Deputación da Coruña, por importe de 200.000 €.

**Quinto.-** A Lei 40/2015, de Réxime Xurídico do Sector Público establece no art. 3: 1. *Las Administraciones Públicas sirven con objetividad los intereses generales y actúan de acuerdo con los principios de eficacia, jerarquía, descentralización, desconcentración y coordinación, con sometimiento pleno a la Constitución, a la Ley y al Derecho.*

*Deberán respetar en su actuación y relaciones los siguientes principios:*

*...e) Buena fe, confianza legítima y lealtad institucional.*

**Sexto.-** De acordo co anterior e aínda que a Deputación Provincial da Coruña non está integrada no novo Consorcio que xestiona o Centro Asociado á UNED da Coruña, polo que non ten obriga ningunha no que se refire ao seu financiamento, a retirada da aportación provincial causaría un grave prexuízo económico ao Centro da Coruña.

En virtude do exposto, é vontade desta Deputación manter a cooperación para este ano, polo que os comparecentes acordan formalizar o presente convenio que se rexe polas seguintes

## CLÁUSULAS

### I.- OBXECTO.

O presente convenio de cooperación ten por obxecto establecer as bases do outorgamento dunha subvención nominativa por esta Deputación a prol do Consorcio Universitario do Centro Asociado á UNED da Coruña (CIF Q1500424E), fixando as condicións que se impoñen por esta administración concedente e os compromisos asumidos pola entidade beneficiaria, para o financiamento parcial da **Programación cultural e divulgación do coñecemento científico do ano 2018.**

### II.- ORZAMENTO DE GASTOS.

Os gastos obxecto do financiamento pola Deputación da Coruña son os seguintes, de acordo co Orzamento presentado polo Centro:

1. PERSOAL DE ADMINISTRACIÓN E SERVIZOS	323.110,86
2. GASTOS CORRENTES EN BENS E SERVIZOS	163.806,63
20 Compras material	32.039,17
21 Reparacións, mantemento e conservación	35.599,08
22 Material, suministros e outros	94.286,71
23 Gastos dietas e locomoción e indemnizacións por razón do servizo	1.881,67
<b>TOTAL</b>	<b>486.917,49</b>

Este orzamento correspóndese coas actividades que se achegan como anexo ao convenio.

### III.- FINANCIAMENTO PROVINCIAL E OUTROS INGRESOS QUE SE OBTENAN OU APORTEN PARA A MESMA FINALIDADE.

1.- A Deputación da Coruña contribuirá ao financiamento dos gastos de funcionamento cunha achega máxima de **200.000**, o que representa unha porcentaxe do **41,07 %** do orzamento total.

A cantidade restante, ata acadar o importe total do orzamento da actividade, está financiado con cargo a recursos, propios ou alleos, acreditando o Consorcio Universitario do Centro Asociado á UNED da Coruña que ten consignado o crédito adecuado e suficiente para imputar a totalidade do gasto imputable á entidade.

No caso de que a gasto xustificado non acadase o importe total previsto na cláusula segunda, a Deputación só achegará o importe que represente o **41,07 %**, da cantidade efectivamente xustificada.

2.- Agora ben, se a cantidade xustificada resulta inferior ao 75 % do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao seu cobro.

3.- O importe do financiamento provincial farase efectivo con cargo á aplicación orzamentaria 0612/3269/42390, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

5.- A subvención da Deputación é compatible coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

6.- No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

#### IV.- CONTRATACIÓN E EXECUCIÓN.

1.- O outorgamento dos contratos de servizos, asistencia ou subministracións necesarios para a *Programación cultural e divulgación do coñecemento científico do ano 2018*, corresponderalle ao Consorcio Universitario do Centro Asociado á UNED da Coruña, asumindo, xa que logo, as seguintes responsabilidades.

2.- Se o importe dalgunha das prestacións supera 15.000 €, con carácter previo á contratación, o Consorcio Universitario do Centro Asociado á UNED da Coruña deberá solicitar polo menos tres orzamentos a distintos provedores; entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.

#### V.- PUBLICIDADE DO FINANCIAMENTO PROVINCIAL.

1.- A Deputación da Coruña constitúese en organismo patrocinador do Consorcio Universitario do Centro Asociado á UNED da Coruña polo que na publicidade por medios escritos, radiofónicos, audiovisuais ou internet, deberase facer constar sempre o financiamento da Deputación Provincial da Coruña.

2.- Coa memoria e conta xustificativa achegaranse documentos que acrediten o cumprimento desta obriga do Consorcio Universitario do Centro Asociado á UNED da Coruña.

De conformidade co disposto no artigo 31.3 do Regulamento da Lei de subvencións (Real decreto 887/2006, do 21 de xullo), cando se trate de actividades xa rematadas, a Deputación poderá establecer medidas alternativas, sempre que éstas permitan dar a difusión da financiación pública recibida co mesmo alcance das inicialmente acordadas.

#### VI.- A XUSTIFICACIÓN NECESARIA PARA RECIBIR A ACHEGA PROVINCIAL.

1.- A achega da Deputación seralle abonada ao Consorcio Universitario do Centro Asociado á UNED da Coruña do seguinte xeito:

*Primeiro prazo*, por importe do 50% da subvención, co carácter de anticipo prepagable a xustificar, que se aboará logo de que se presente a seguinte documentación:

\* **Certificación** da aprobación da Liquidación Orzamentaria e Contas anuais de 2017.

\* **Declaración** doutras axudas ou subvencións solicitadas ou concedidas para a mesma finalidade.

\* **Acreditación** do cumprimento das obrigas tributarias e coa Seguridade Social, segundo o previsto na cláusula oitava.

\* **Acreditación** do cumprimento da obriga de facer constar a colaboración da Deputación en toda a información (impresa, informática ou audiovisual) que se teña feito, establecida na cláusula quinta

*Segundo prazo*, por importe de 50 % da subvención ou, no seu caso, a cantidade pendente de pago, segundo o importe dos gastos xustificadas, logo da presentación da seguinte documentación:

\* **Certificación** da aprobación da Liquidación Orzamentaria e Contas anuais de 2018.

\* **Declaración** doutras axudas ou subvencións solicitadas ou concedidas para a mesma finalidade.

\* **Acreditación** do cumprimento das obrigas tributarias e coa Seguridade Social, segundo o previsto na cláusula oitava.

\* **Acreditación** do cumprimento da obriga de facer constar a colaboración da Deputación en toda a información (impresa, informática ou audiovisual) que se teña feito, establecida na cláusula quinta

## VII. TERMO PARA A REALIZACIÓN DA ACTIVIDADE E PRAZO DE XUSTIFICACIÓN.

1.- Os gastos que son obxecto de financiamento provincial, refírense ao período do 1 de xaneiro de 2018 ao 31 de decembro de 2018.

2.- Unha vez rematado o ano, o Consorcio Universitario do Centro Asociado á UNED da Coruña deberá presentar a xustificación documental á que se refire a cláusula sexta antes do **31 de decembro de 2019**.

3.- De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a Unidade xestora remitiralle un requirimento ao Consorcio Universitario do Centro Asociado á UNED da Coruña para que a presente no prazo improrrogable de quince días.

A falla de xustificación da subvención neste prazo excepcional conlevará a perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá ao Consorcio Universitario do Centro Asociado á UNED da Coruña da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable, lle poida corresponder.

4.- O abono da subvención materializarase mediante ingreso na conta da entidade financeira indicada polo Consorcio Universitario do Centro Asociado á UNED da Coruña na documentación aportada

Se tiveran transcorrido máis de catro meses dende a axeitada e correcta xustificación dos compromisos adquiridos sen que tivera cobrado o importe que lle corresponda, o Consorcio Universitario do Centro Asociado á UNED da Coruña terá dereito ao abono dos xuros de demora, ao tipo de xuro legal, que se devenguen dende a finalización do prazo de catro meses ata o momento no que se faga efectivo o pagamento.

## VIII.- ACREDITACIÓN DO CUMPRIMENTO DAS OBRIGAS TRIBUTARIAS E COA SEGURIDADE SOCIAL.

1.- O Consorcio Universitario do Centro Asociado á UNED da Coruña deberá acreditar, con carácter previo á sinatura deste convenio e logo, con carácter previo ao pago da subvención, que se atopa ao día no cumprimento das obrigas tributarias coa Administración do Estado, coa Comunidade Autónoma e coa Seguridade Social.

Para tal fin poderá autorizar á Deputación a que obteña telematicamente os correspondentes certificados.

2.- A acreditación do cumprimento das obrigas tributarias coa Deputación Provincial determinarse de oficio por esta.

#### **IX.- DESTINO E MANEXO DOS FONDOS RECIBIDOS.**

1.- O Consorcio Universitario do Centro Asociado á UNED da Coruña destinará os fondos recibidos ao pagamento dos gastos incluídos na cláusula segunda.

2.- Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor; só excepcionalmente se poderá realizar o pago en metálico para gastos de ata 150 €, nos que non resulte posible a utilización dun dos medios anteriormente indicados.

3.- Sen prexuízo dos libros e rexistros contables que as normas xerais ou sectoriais lle poidan impor, o Consorcio Universitario do Centro Asociado á UNED da Coruña deberá contar polo menos cun rexistro cronolóxico de cobros e pagamentos nos que se inclúan, entre outros, os relativos aos gastos xustificadas e aos ingresos declarados con respecto a esta subvención.

#### **X.- CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO.**

1.- Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de subvencións de Galicia, o Consorcio Universitario do Centro Asociado á UNED da Coruña poderá ser escolleito pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de cooperación.

2.- Asemade, de acordo co previsto na lei 6/1985, de 24 de xuño, do Consello de Contas de Galicia, o Consorcio Universitario do Centro Asociado á UNED da Coruña queda sometido aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de enxuzamento contable que poida incoar o Tribunal de Contas, e a calquera outro órgano de control, nacional ou europeo.

#### **XI.- REINTEGRO, INFRACCIÓN E SANCIÓN.**

1.- O incumprimento dalgunha das cláusulas previstas no presente convenio de cooperación poderá conlevar a obriga de reintegro parcial ou total dos fondos recibidos, así como ao pago dos xuros de demora que se devenguen desde o día no que se realizou o pago ata o momento no que se acorde a procedencia do reintegro.

O procedemento de reintegro iniciarase de oficio, e na súa tramitación seguirase o disposto nos artigos 41 e seguintes da Lei 38/2003, de 17 de novembro, xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2.- Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na ordenanza provincial de desenvolvemento que resulte aplicable.

3.- Para os supostos de retraso na realización das actividades ou retraso na presentación da xustificación se estará ao disposto na ordenanza provincial de desenvolvemento que resulte aplicable.

## **XII.- INCORPORACIÓN AO REXISTRO PÚBLICO DE SUBVENCIONS E PUBLICACIÓN DA SUBVENCIÓN CONCEDIDA.**

1.- No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación do Consorcio Universitario do Centro Asociado á UNFD da Coruña serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no dito precepto e co debido respecto á protección dos datos de carácter persoal, segundo o previsto na Lei orgánica 3/2018, de 5 de decembro, de protección de datos persoais e garantía dos dereitos dixitais.

2.- Asemade, no cumprimento do disposto no artigo 16.3 da Lei 9/2007, de 13 de xuño, de subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao rexistro público de axudas, subvencións e convenios da Comunidade Autónoma de Galicia.

3.- Segundo o previsto no artigo 18 da Lei 38/2003, de 17 de novembro, xeral de subvencións, a concesión da subvención ao Consorcio Universitario do Centro Asociado á UNED da Coruña será publicada no Boletín Oficial da Provincia da Coruña e na páxina web dacoruna.gal.

4.- Un exemplar deste convenio, debidamente asinado, será incorporado ao rexistro de convenios que depende do Servizo de Patrimonio e Contratación da Deputación.

## **XIII.- VIXENCIA DO CONVENIO, PRÓRROGA OU MODIFICACIÓN.**

1.- O prazo de vixencia do presente convenio finalizará o **31 de xaneiro de 2020** e terá efectos retroactivos, polo que os gastos contemplados nel poderán terse realizado dende o 1 de xaneiro de 2018.

Esta vixencia queda subordinada á existencia do crédito adecuado e suficiente que para o Exercicio de 2020 autorice o correspondiente Orzamento.

2.- Previa solicitude do Consorcio Universitario do Centro Asociado á UNED da Coruña, realizada alomenos un mes antes da fin da súa vixencia, o convenio poderá ser prorrogado por acordo expreso de ambas as dúas partes, e previos os informes preceptivos da Unidade xestora, do Servizo de Patrimonio e Contratación, da Secretaría e da Intervención da Deputación.

3.- Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

## **XIV.- NATUREZA, INTERPRETACIÓN, MODIFICACIÓN E XURISDICIÓN COMPETENTE.**

1.- O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de subvencións, e na Lei 9/2007, de 13 de xuño, de subvencións de Galicia; supletoriamente aplicarase a lexislación de contratos do sector público.

2.- A interpretación das dúbidas e lagoas que poidan xurdir na aplicación do presente convenio corresponderalle ao Presidente da Deputación, previos os informes preceptivos da Unidade xestora, da Secretaría e da Intervención provincial.

3.- Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita

xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado polo Pleno da Corporación Provincial de data 2 de decembro de 2019.

E en proba de conformidade asinan por cuadruplicado exemplar o presente convenio no lugar e data indicados no encabezamento.

O PRESIDENTE DA DEPUTACIÓN  
PROVINCIAL  
DA CORUÑA

Fdo.: Valentín González Formoso

O REPRESENTANTE DO CONSORCIO  
UNIVERSITARIO DO CENTRO ASOCIADO Á  
UNED DE A CORUÑA

Fdo.: Germán Carro Fernández

O SECRETARIO XERAL  
DA DEPUTACIÓN PROVINCIAL DA CORUÑA

Asdo. José Luis Almu Supervía

**ANEXO.-  
ACTIVIDADES INCLUÍDAS NO ORZAMENTO DE GASTOS**

ACTIVIDADE	GASTOS
Mediación no Ámbito Educativo	8.029,13 €
Mediación no ámbito Penal	8.029,13 €
Guía práctica para elaborar e presentar un TFG: a escritura académica nunha contorna dixital	11.768,73 €
Grafoloxía II: Coñéceche a través da túa firma	2.419,74 €
Prácticas en Mediación	5.939,36 €
UNED SENIOR (2018)	56.093,95 €
Como utilizar os "Recursos Libres" de Internet para a educación e a aprendizaxe Recursos e ferramentas on-line para a formación académica e investigadora	4.179,55 €
Nazca: O soño creador. Homenaxe a María Reiche	15.068,38 €
O Sistema Nacional de Protección Civil: a xestión das emerxencias en España	12.538,65 €
A carreira militar. O acceso con estudos universitarios	11.548,75 €
A captación da imaxe en Caravaggio	36.846,03 €
Novas vías profesionais nos Centros Penais	12.538,65 €

A xordeira e a súa implicación na linguaxe do neno xordo	14.078,48 €
I Feira de Emprego do Centro UNED A Coruña	8.689,06 €
Iniciación á Mediación. Teoría e Práctica	9.019,03 €
Claves para a Comunicación e Investigación Científica no século XXI: retos, oportunidades e "fakes"	2.969,68 €
Mediación no Ámbito Civil e Familiar	8.249,11 €
Mediación no Ámbito Educativo	7.259,22 €
A historia cultural da Transición: Os Ilegais	2.969,68 €
Obradoiro: "Coñece a túa Biblioteca".(1ª edición)	1.319,86 €
Xornada de actualización: "Coñecemento do TIC propias da acción titorial"	1.319,86 €
obradoiro: "Como manexar as plataformas e TIC da UNED: Especial alumnado do CUID	1.979,79 €
Obradoiro:"Como manexar as plataformas e TIC da UNED". (1ª edición)	2.859,69 €
Obradoiro: "Como manexar as plataformas e TIC da UNED". (2ª edición)	2.309,75 €
Obradoiro: "Como manexar as plataformas e TIC da UNED". (3ª edición)	1.319,86 €
Obradoiro: "Como manexar as plataformas e TIC da UNED". (4ª edición)	1.429,85 €
Obradoiro: "Como manexar as plataformas e TIC da UNED". (5ª edición)	1.759,81 €
Obradoiro: "Como manexar as plataformas e TIC da UNED". (6ª edición)	2.199,76 €
Coñeces a túa Facultade?: Benvida da Facultade de Ciencias Económicas e Empresariais	219,98 €
Coñeces a túa Facultade?: Benvida da Facultade de Dereito	2.309,75 €
Coñeces a túa Facultade?: Benvida da Facultade de Educación	1.209,87 €
Coñeces a túa Facultade?: Benvida da Facultade Filosofía	329,96 €
Coñeces a túa Facultade?: Benvida da Facultade de Xeografía e Historia.	659,93 €
Coñeces a túa Facultade?: Benvida da Facultade de Psicoloxía	3.079,67 €
Coñeces a túa Facultade?: Benvida da ETS de Enxeñería Informática	989,89 €
Xornada de Benvida e Presentación da Delegación de Alumnos do Centro UNED A Coruña	4.289,54 €
Como aproveitar ao máximo os recursos que che facilita o teu Centro Asociado: Titorías e cursos de extensión universitaria	5.609,40 €
Coñeces a túa Facultade? Benvida da Facultade de Ciencias Políticas e Socioloxía	109,99 €



Xornada de Benvida do Centro UNED A Coruña	5.829,37 €
Coñece o teu Centro: Xornada de presentación de servizos do CA UNED A Coruña	2.309,75 €
Obradoiro: "Orientación para o éxito no estudo a distancia na UNED"	4.069,56 €
Encontro sobre "Mercado do crédito hipotecario e información precontractual"	15.838,29 €
CRÓNICAS INDUMENTARIAS. Aproximación á interpretación das indumentarias medievais	26.727,12 €
Réxime Xeral de Estranxeiría: Residencia por circunstancias excepcionais e reagrupamento familiar de persoas estranxeiras en España	13.968,49 €
Réxime Xeral de Estranxeiría: Menores e Proceso Sancionador	13.968,49 €
Violencia de Xénero (II): Aspectos Penais e Proxección Civil	13.968,49 €
Prevenición e tratamento da tensión. Como manexar eficazmente situacións de tensión profesional	15.398,34 €
Delitos de apoderamento e defraudación: impacto das reformas penais de 2015	13.858,51 €
Qué podo reclamar na miña hipoteca? Como localizar as cláusulas abusivas nos contratos bancarios	3.409,63 €
Préstamos e Hipotecas: Últimas novidades en lexislación e xurisprudencia en defensa dos consumidores	2.749,70 €
As agresións a membros das forzas e corpos de seguridade, persoal sanitario e docente: resposta penal	16.938,17 €
Presentación do "Cartel de Cego: Don Gaiferos de Mormaltán	1.979,79 €
Dereito Penal I. Delito e responsabilidade penal	14.628,42 €
Dereito Penal II. Consecuencias xurídicas do delito	17.048,16 €
A responsabilidade penal do policía por delitos cometidos no exercicio das súas funcións	13.858,51 €
Obradoiro: "Como manexar as plataformas e TIC da UNED (1ª Edición)	2.199,76
Obradoiro: "Como manexar as plataformas e TIC da UNED" (2ª Edición)	1.869,80 €
Introdución ao dereito Penal	12.758,62 €

